

靜室

地隔紅塵隱綠蘿
靜中時聽雨聲多
來朝旭霽開空碧
笑策雲駢上大羅

題夢九院中

小乾坤裏大乾坤
中有吾家不二門
勸汝世間求道客
休從塵海走渾渾

初秋夜行千風寺聽人彈琴

新雨滌殘暑
早秋生嫩涼
夜游黃葉寺
人唱白雲鄉
梵磬沈方丈
龕燈照法堂
愛他彈絳綺
清韻自琅琅

紫芝洞題石

道藏輯要

三丰全集 古今詩類

五 續畢集九

江雲溼江天
碧煙外鐘聲初歇
木蒼蒼山寂寂
挂杖閒觀如鶴立
洞門瑤草封丹室
靜中誰識古仙客

晚景

月黑山深虎嘯風
壯夫行過劍光紅
神仙採藥歸來晚
聽得樵歌唱水中

長清院

春雨春煙兩度游
都於小院暫勾留
乾坤事事皆如寄
花酒閒吟樂自由

示夢九

得劍除煩惱
彈琴引靜機
道心從此悟
流水過漁磯